

Johann Huswedel

**Programma Quo Rector Universitatis Rostochiensis Johannes Huswedelius, Phil.
pr. Prof. Ad Exequias Quas ... Viro Dn. Johanni Kleinsmidt, marito carissimo,
Vidua moestissima paratas cupit Omnes omnium ordinum cives Academiae ...
invitat**


Rostochi[i]: Kilius, 1642 [i.e. 1638]

<http://purl.uni-rostock.de/rosdok/ppn771554702>

Druck Freier  Zugang



Huswedel, J.,
in J. Kleinschmidt.
R. 1638.



PROGRAMMA

Quo

Rektor Universitatis Rostochiensis

JOHANNES HUS-
WEDELIUS, Phil. pr. Prof.

AD EXEQUIAS

Quas

AMPLISSIMO VIRO

Dn. JOHANNI
KLEINSMIDT,
marito carissimo,

Vidua mestissima paratas cupit

Omnes omnium ordinum cives Academiae ad ho-
ram primam in templo Jacobæo Studiose
invitat.



ROSTOCHI,

Typis NICOLAI KILII, Acad. Typ.

Anno MDCCLXXII



Uidam de Stoica Philosophorum familia tantum sibi robur & vires animi arrogavit, ut Jovem ipsum in certamen provocare non vereretur, cum diceret, *Ὁ βροχῶν πλείστων*. *Jupiter plue calamitates*: nimirum quas ipse in pavidè exciperet, fortiter sustineret, gloriose superaret. Num, quid calamitates eo tempore non fuerint, in quibus experiri suas vires potuisset, haud equidem scimus: id scimus, hoc nostro tempore si vixisset locoq; nullam fuisse futuram causam optandi pluviam calamitatum: quarum unda tam largæ & copiosæ in nos ruunt. Ingeniosa Græcorum natio tribus vocabulis in sua lingua utitur, sono haud multum differentibus & significatione rerum ita affinibus, ut res ipsæ iis enunciatae, vel simul orientur vel se consequantur. Agmen ducit *ὁ πόλεμος* bellum, cujus inclementiam sentimus videmus ac dolemus. Agri longè lateq; ferro & flammâ vastati, coloni laribus ac fundis exturbati, fusi, fugati, crudelibus exemplis interfecti. Hunc ducem sequitur alter *ὁ λιμὸς* Fames. Unde enim annonæ suppetat vastatis agris, ejectis aut interfectis agricolis, gregibus & armentis maciatis, pastoribus dissipatis, nulla ne minima quidem spe sobolis relicta, quæ cladem reparare possit. Agmen claudit *ὁ λοιμὸς* pestis intenta non spicilegio solum, si quid forte à præcedentibus reli-

relictum sit, sed quæ immitti falce obvia & oportuna quæq; demetit, nec ulla sexus, ordinis, ætatis quam liber virilis & robustæ ratione habita, vastitatem ac solitudinem domibus, mærorem & ægritudinem animis, cladem ac damnum civitatibus adfert. Hæc si Stoicus aliquis videre ac ferre cogatur, haud scio, an à Jove aliam pluviam precari opus habeat. Verum in umbra Academiæ ab hoc imbre tuti sumus! Sane haud vidi magis: Perperfitius aliquis Lacon succumbat, ne dum de schola homo, cui cum sui nervi excisi sunt, ambulare certè non magis potest, quam volare avi ula, cui pennæ vel præcisæ vel planè evulsæ. Hinc mæror, gemitus, perturbationes ægritudines, quæ abunde sufficiant, ut quemvis Laconem vel Stoicum ad ultimam rerum lineam admoveant vel ad incitas redigant. Igitur hoc rerum statu ac facie, quod vel exercitio Laconico vel sapientiæ Stoicæ, vel Philosophiæ nostræ deest ab exemplo & instituto Redetoris ac Servatoris nostri commodato accipiamus, ut vere dicere possimus in re nostra, quod aliquis apud Poetam in re sua, verò an falsò nihil interest, dicere potuit, *Ἰὼ λαβὴ δὴ κραδίη, καὶ κύντερον ἄλλο πρὸ ἔτλης.* Hæc & alia in mentem venerunt, allato nuntio de subita & plane inopinata morte Clarissimi & Consultissimi Viri Dn. JOANNIS Kleinschmid / J. U. D. & Professoris, collegæ & amici nostri colendi, perpetuaq; memoria prædicand-

dicandi: cujus vita, studia & merita suo jure postulant, non tantum ut hæc ejus memoriæ à nobis opera tribuatur, sed ut universa Academia erga eum quantum potest, ad factum suum testetur. Natus est ille Beatus nosler, in hac civitate Rostochii Anno Christi millesimo quingentesimo nonagesimo tertio die 5. Septembr. ex honestissima & primariæ conditionis familia, uti hac in civitate omnibus notū est. Pater siquidem ei erat PETRUS Kleinsmid/ Mater ANNA Keimers/ ambo ex piis, honestis & opulentis parentibus hac in civitate nati & ibidem suo tempore humati. Hi anno, quem indicavimus, honeste natum filium suum non honestè minus educandum censuerunt, initio ab lavacro Regenerationis & Renovationis in S. iritu S. facto: Quo cum rite & purè procuratus esset, materno lacte crevit non magis ad modum corporis quàm ad habitum animi, ad pietatem, honestatem & eruditionē compositi: cujus cultum, ut & ampliorem & certio-
riorem caperet, missus est in ludum literarium, publicam nimirum non solius eruditionis literariæ, sed multo magis obedientiæ, pietatis & modestiæ officinam. In ea puer gradatim, à primis elementis incepit, & ad metam decurso spatio feliciter pervenit. Jam profectus adolescentis postulabat, ut in Academiam quasi ad celebriorem & frequentio-
rem literaturæ mercatum se conferret hujus negotij gratia

tia. Primum igitur ex consilio amicorum & voluntate parentum Academias Germaniæ sibi ad eundas & perlustrandas putavit. Egit in iis annos aliquot, sed ut oculos animumq; identidem reflecteret ad causam quæ parentes ad se dimittendum permovisset. Eadem bene natum & educatū adolescentem impellebat, ut quid extra Germaniam rerum gereretur, sibi non ignorandum putaret. Iter ergo fecit ex Germania in Galliam, in Angliam, in Belgium, ut quod Studioso Juris & Politicæ conveniebat, non urbes tantum videret splendidas & populosas, sed mores hominum & Rerum publ. cognosceret vel præcipuè. Ut n. apiculæ non uni insident fruticeto, non uno ex florum genere mel colligunt; ita studiosus elegantioris eruditionis ex variis variorum locorum ingeniis colligit, quo nō suum ipsius penuarium solum instruat, sed ex quo aliis etiā suo tempore depromat, quod usum in humana societate inveniat. Satis id superq; evidenter patuit, cum Anno millesimo sexcentis, vigesimo Basileā peteret ac summū in utroq; Jure Doct. titulū die 4. Sept., magna cum laude impetraret. Quo potitus, & jam pertæsus itinerum domuitionē parat juvenis jam rebus gerendis idoneus, nec fortuna conatui defuit. Cum n. domus imperfecta sit, quæ matre familias destituitur, hanc uti quæsit


prudenter, ita invenit feliciter, Anno 1621. die 17.
Septembr. MARGARETAM KICHLERIAM, virginē pri-
mariam, nunc viduam desiderio mariti, merore, lu-
ctu lacrumis obsitam & confectam. Ea cum patre
habuisset Virum Ampliss. & Consultiss. Dn. BAR-
THOLDUM KICHLERUM, J. U. D. & Consiliariū Me-
gapolitanum, mater AGNETA CLINGIA, secundo nu-
psit, Viro Clariss. & Consultiss. Dn. REINHOLDO von
Scheren/quem parentis ipsius loco, uti debuit, ita
semper habuit, coluitq; nec adfectum postquam in
viri manum convenit, mutasse deprehensa est. Ab
his parentibus Vir juvenis pietate, virtute & literis
præditus, titulo quoq; summi in Jure honoris or-
natus virginem sua conditione dignam haud diffi-
culter inpetravit. Et cum ea septemdecim annos,
& septem septimanas placide, jucunde, sine lite &
jurgio vixit. Nec piis conjugibus divina benedi-
ctio defuit, cum septem ex hoc suo matrimonio li-
beros viderint ANNAM, alteram quæ in hanc lucem
prodiit quidem, sed mortua eam non vidit AGNE-
TAM, BARTHOLDUM, JOHANNEM, MARGARETAM & A-
GNETAM; ex quibus duæ tantum superstites ANNA
primogenita & AGNETA postremo, quæ ut piæ &
pudicæ educantur, ita matri mæssissimæ, præsentis &
efficaci solatio erunt. Anno millesimo sexcentesi-
mo trigésimo secundo, cum Vir Ampliss. & Consul-
tissimus Dn. THOMAS Lindeman/ex hac vita & Aca-
de-

demia in caelestem discessisset, atq; ita locum successori
aperisset, dignus fuit habitus, qui in eum locum subro-
gatus ingenij sui vires explicaret, & quæ vel ab aliis per-
ceperat, vel sua sibi diligentia invenerat, cum aliis in
luce ac sede Academica communicaret. Hanc ab eo
tempore susceptam spartam pro virili ornavit: & quan-
tum per temporis iniquitatem & valetudinis, non sem-
per firmæ & constantis, vires licuit, promovit. Rectoratu
functus est superiore proxima hyeme: cujus rei difficul-
tatem & molestiam haud dubiè graviolem expectatio-
ne cum deprehendisset, non parum sibi gratulatus est,
cum deponeret: alias neq; consilio, neq; studio, neq; o-
pera, cum res posceret, Academia defuit. His autem pro-
ximis diebus cum frueretur mediocri & fere inculpa-
ta valetudine, externa interveniente, inopinasa morbi oc-
casionè in repentinum incidit animi deliquium, idq;
tantum, ut exhaustæ vires, licet aliquo modo refocillari,
restaurari non potuerint, unde factum, ut nudius quartus
9. Novembr. quadrante horæ ante quintam vespertinam
in Christo placide obdormierit & iter ingressus eo per-
venerit, quo ut expedite perveniret biduo ante viatico
corporis & sanguinis dominici instructus erat. Fra-
trem reliquit Amplissimum & Prudentissimum Virum,
Dn. JOACHIMUM KLEINSMID, Senatorem adhuc super-
stitem, & alterum PETRUM, qui cum Argentoratum abiis-
set studiorum gratia finem illic vitæ adeptus est. Ita
ergo vixit piè, Vir Amplissimus & Consultissimus Dn.
JOANNES KLEINSMID, annos quadraginta quinq; men-
ses duos, defunctus est placidè, & ex hac Academia in
caelestem hominum electorum & sanctorum Angelo-
rum civitatem translatus. Reliquum est, ut ipsum pia

euφη.

et *Phylia* prosequamur viduæ vero ac liberis tristissimis
convenienti alloquio quantum possumus subveniamus:
causa quidem doloris gravissima est, quod pia & Chri-
stiana fœmina maritum charissimum amiserit, atqui hæc
lege adstrictum fuit matrimonij vinculum, ut nullo nisi
hoc supremo die solveretur. Quod ergo solutum, iri no-
vimus, cur cū solvitur dolemus? Deus est qui necit hunc
nodum, Deus idem est qui solvit causa ipsi nota, nec in-
justa. At morte obiit repentina, sole unius tridui, nec
integri, decubitu defessus. Ita nimirum vixerat, ut ad
reddendum, vitæ rationem semper paratus esset. Diu
vivere diu est cruciari, quid diu ægrotare? Ecquid o-
ptabilius, quam navigare simul remis ventisq; ferentib9
& unico triduo pervenire, quo alij cum ventis & flucti-
bus luctari vix totidem septimanis aut mensibus perve-
niant? At etiam immatura obiit! Quomodo immatura,
qui pro se marito mortali curatorem substituit immorta-
lem: pro se patre terrestri, patrem ac tutorem celestem.
Hæc ut per se quidem talia sunt, ita naturalem affectum
vix in ordinem redigent, nisi accedat Spiritus sancti ef-
ficax alloquium, quo adflata corda erigantur, recreen-
tur, ac restituantur; quod & fiat Deum veræ consolatio-
nis fontem rogamus. Vos vero Academiæ Cives, ad
exequias frequentia vestra ornandas, necessarium non
puto. Qui enim aliis hoc officium exhibetis, quidni
exhibere prompti & parati essetis à quo beneficia nec par-
va nec pauca accepistis: Scio aut spero saltem vos fre-
quentes ad horam faneri dictam, primam videlicet in
templo Jacobæo adfuturos & vestram ipsorū civitatis,
Academiæ ac provinciæ salutem Deo commendaturos,
P. P. Rostochij sub sigillo Rectorat. Anno 1638.
die 8. Novembris.

GUSTAV KOCH
Buchbinderei
ROSTOCK.



tia. Primum igitur ex consilio amicorum
luntate parentum Academias Germani-
eundas & perlustrandas putavit. Egit in il-
liquot, sed ut oculos animumq; identi-
teret ad causam quæ parentes ad se dim-
permovisset. Eadem bene natum & edu-
lescentem impellebat, ut quid extra Ger-
rum gereretur, sibi non ignorandum pu-
ergo fecit ex Germania in Galliam, in A-
Belgium, ut quod Studioso Juris & Pol-
yeniebat, non urbes tantum videret sp-
populosas, sed mores hominum & Rerum
gnolceret vel præcipuè. Ut n. apiculæ n-
sident fruticeto, non uno ex florum g-
colligunt; ita studiosus elegantioris eru-
variis variorum locorum ingeniis colli-
suum ipsius peruenarium solum instruat.
aliis etiã suo tempore depromat, quod u-
mana societate inveniat. Satis id superco-
patuit, cum Anno millesimo sexcento
Basileã peteret ac summũ in utroq; Jure
lũ die 4. Sept., magna cum laude impe-
potitus, & jam pertæsus itinerum dom-
rat juvenis jam rebus gerendis idoneus
na conatui defuit. Cum n. domus in
quæ matre familias destituitur, hanc u-

E 3

